



partii naleraq

9.maj 2019

UPA2019/183

Nunat Avannarliit Killiit Siunnersuisoqatigiiffiata Savalimmiuni, Kalaallit Nunaanni aamma Islandimi Naalakkersuisut nunat akornanni sammisami timersornermut tunngasumi suleqatigiinnerup annertusarneqarsinnaanerannik mississueqqullugit kaammattorpai.
(Aallartitat siulittaasuat Vivian Motzfeldt)

Nunat Avannarliit Killiit Siunnersuisoqatigiiffiata ataatsimiinnermini Naalakkersuisut kammattorpaat nunat akornanni timersornikkut suleqatigiinnerup annertusarneqarnissaanik misissueqqullugit tamannalu Partii Naleqqamiit oqaaseqarfigissavarput.

Siullermik kaammattuuteqartut qujassuteqarfigissavagut nunat akornanni sammisami timersornermut tunngasumi suleqatigiinnerup annertusarneqarsinnaanerannik oqariartuutaannut.

Nunat eqqamiugut tassalu Island Savalimmiut Kalaallit Nunaallu ataatsimoortumik timersornikkut suleqatigiinnerunissamut Naalakkersuisutsinnut kammattuutaat tamakkiisumik isumaqatigigipput Partii Naleqqamiit oqaatigissavarput.

Timersornikkut annertusaanissat Nunat avannarliit killiit akornanni isuma assut pitsaasutut nalilerusupparput. Tassami taamaliornikkut aamma imminut qaninnerulernissarput suleqatigiinnerulernissarpullu angusinnaavarput.

Pinngortitamik atueqatigiippugut tamatta immamik kaajallanneqarsimalluta, avatangiiserput uumassusilinnillu atuinerput assigiittorujussuusoq nalunngilarput. Taamaattumik sutigut tamatigut suleqatigiilluarnissarput pinngitsoorneqarsinnaanngilaq.

Nunat avannarliit killiit innuttaasa timersornikkut suleqatigiilluarnissaat isumassarsiavoq kusanarluinnartoq. Meeqqat inuusuttut inersimasut utoqqaallu timersornikkut nunat taaneqartut akornanni siuarsaaffigineqarnissaat assut nuannerlunilu soqutiginarpoq.

Ukiut 40-it anguagut Namminersornerulermiit taamatullu aamma ukiut qulit Namminersornerup eqqunnerani tassa ukioq manna akunaatsuliivugut nalliuttorsiorlulalu.

Ukiut 40-it iluanni ullut aqqusaartukkagut ilaatigut sakkortusinnaasartut aqqusaartarsimavagut, aammalu nuannersorpassuarnik alloriaqatigiittarsimalluta tamannalu inuiaqatigiinni ataatsimoortumik ersarissumillu nalliuttorsiornerput aamma takussutissaqartariaqartoq oqaatigerusupparput.

Naalakkersuisut Inatsisartullu kaammattorniarpagut peqatigiilluta Timersortartut kattuffiat peqatigalugu timersornikkut aaqqusuussisariaqartugut una kaammaattuut iluatsillugu.

Tassalu siunnersuutigerusupparput kammattuutigalugu Nunatta nalliuttorsiornera ukiut 40.-inngorlugit nalliuttorsiornerput iluatsillugu Savalimmiut, Islandermiut, Kalaallit Nunaallu, isikkamik arsaannermik unammersuartinneqassasut.

Timersornerup iluanni nunatta iluani aamma pitsaanerusumik periarfissat siuarsarneqarnissaat pingaartumik aamma nunaqarfiit, illoqarfiillu isorliunerusut eqqarsaatigalugit aamma siuarsaanissaq eqqarsaatigilluarneqassasoq kammattuutigaarput.

Assersuutitut Qaanaarmiut Upernavimmiut Ummannarmiut taavalu Taasilarmiut Ittoqqortoormiormiut timersornermi kitaani peqataanerulernissaannut periarfissaat pitsaanerusunnngortinnissaat ilanngullugu, soorunami aamma nunaqarfiit ilanngullugit suliarineqassasut kammattuutigaarput.

Inuiaat nukittuut meeqqat tulluusimartut, inuusuttut inuunerissut, inersimasut utoqqaallu tulluusimartut timersornikkut ataatsimoortinneqarlutik ataatsimoornerulertarnerat annertusartariaqarmat.

Taamatut oqaaseqarluta Timersornikkut suleqatigiinnerup Nunat avannarliit akornanni annertusarneqarnissaanik kammattuut taperserlugu oqaaseqarfigaarput.

Emanuel Nûko